

Text ___ Cicero, *Pro Caelo* ____, Lines 480-530 ____.



	Verb	Tense	Justification	English Translation
1)	_____	_____	_____	_____
2)	_____	_____	_____	_____
3)	_____	_____	_____	_____
4)	_____	_____	_____	_____
5)	_____	_____	_____	_____
6)	_____	_____	_____	_____
7)	_____	_____	_____	_____

8) _____

9) _____

10) _____

11) _____

12) _____

13) _____



haberet palam decretum semper aliquem, cuius in hortos,
domum, Baias, iure suo libidines omnium commearent, quae
etiam aleret adolescentis et parsimoniam patrum suis sumptibus
480 sustineret¹; si vidua libere, proterva petulanter, dives effuse,
libidinosa meretricio more viveret, adulterum ego putarem² si
quis hanc paulo liberius salutasset?

(XVII,39) Dicit aliquis: 'Haec igitur est tua disciplina? Sic tu
instituis adolescentis? Ob hanc causam tibi hunc puerum parens
485 commendavit et tradidit, ut in amore atque in voluptatibus
adulescentiam suam conlocaret, et ut hanc tu vitam atque haec
studia defenderes³?' Ego, si quis, iudices, hoc robore animi atque
hac indole virtutis ac continentiae fuit ut respueret⁴ omnis
voluptates omnemque vitae suae cursum in labore corporis
490 atque in animi contentione conficeret, quem non quies, non
remissio, non aequalium studia, non ludi, non convivium
delectaret, nihil in vita expetendum putaret⁵ nisi quod esset⁶ cum
laude et cum dignitate coniunctum, hunc mea sententia divinis
495 illis fuisse arbitror Camillos, Fabricios, Curios, omnisque eos qui
haec ex minimis tanta fecerunt. (40) Verum haec genera virtutum
non solum in moribus nostris sed vix iam in libris reperiuntur.
Chartae quoque quae illam pristinam severitatem continebant
obsoleverunt; neque solum apud nos qui hanc sectam
500 rationemque vitae re magis quam verbis secuti sumus sed etiam
apud Graecos, doctissimos homines, quibus, cum facere non
possent, loqui tamen et scribere honeste et magnifice licebat, alia
quaedam mutatis Graeciae temporibus praecepta exstiterunt.
(41) Itaque alii voluptatis causa omnia sapientes facere dixerunt,
505 neque ab hac orationis turpitudine eruditi homines refugerunt;
alii cum voluptate dignitatem coniungendam putaverunt, ut res
maxime inter se repugnantis dicendi facultate coniungerent⁷;
illud unum directum iter ad laudem cum labore qui
probaverunt, prope soli iam in scholis sunt relictii. Multa enim

Passing/Justify
need
Assignment

510 nobis blandimenta natura ipsa genuit quibus sopita virtus
coniveret interdum; multas vias adulescentiae lubricas ostendit
quibus illa insistere aut ingredi sine casu aliquo ac prolapsione
vix posset⁸; multarum rerum iucundissimarum varietatem dedit
qua non modo haec aetas sed etiam iam conrob⁹orata caperetur⁹.

515 (42) Quam ob rem si quem forte inveneritis qui aspernetur oculis
pulchritudinem rerum, non odore ullo, non tactu, non sapore
capiatur, excludat auribus omnem suavitatem, huic homini ego
fortasse et pauci deos propitios, plerique autem iratos putabunt.

(XVIII) Ergo haec deserta via et inculta atque interclusa iam
520 frondibus et virgultis relinquatur¹⁰. Detur aliqui ludus aetati; sit
adulescentia liberior; non omnia voluptatibus denegentur; non
semper superet vera illa et directa ratio; vincat aliquando
cupiditas voluptasque rationem, dum modo illa in hoc genere
praescriptio moderatioque teneatur. Parcat iuventus pudicitiae

525 suae, ne spoliet alienam, ne effundat¹¹ patrimonium, ne faenore
trucidetur, ne incurrat in alterius domum atque familiam, ne
probrum castis, labem integris, infamiam bonis inferat, ne quem
vi terreat, ne intersit insidiis, scelere careat. Postremo cum
paruerit voluptatibus, dederit aliquid temporis ad ludum aetatis

530 atque ad inanis hasce adulescentiae cupiditates, revocet¹² se
aliquando ad curam rei domesticae, rei forensis rei¹³que publicae,
ut ea quae ratione antea non despexerat satietate abiecisse et
experiendo contempsisse videatur¹³.

(43) Ac multi quidem et nostra et patrum maiorumque
535 memoria, iudices, summi homines et clarissimi cives fuerunt
quorum, cum adulescentiae cupiditates defervissent, eximiae
virtutes firmata iam aetate exstiterunt. Ex quibus neminem mihi
libet nominare; vosmet vobiscum recordamini. Nolo enim
cuiusquam fortis atque inlustris viri ne minimum quidem erra-
540 tum cum maxima laude coniungere. Quod si facere vellem,
multi a me summi atque ornatissimi viri praedicarentur quorum
partim nimia libertas in adulescentia, partim profusa luxuries,